

萬有文庫

第二集七百種

王雲五主編

植物名實圖考

附植物名實圖考長編

(三十)

吳其濬著

商務印書館發行

植物名實圖考

附植物名實圖考長編

(三十)

吳淦寧

國學基本叢書

植物名實圖考長編卷十一

固始吳其濬著

蒙自陸應穀校刊

芳草

蘭草

薜蘿

蛇牀子

青木香

當歸

芍藥

牡丹

蘭草

服益氣輕身不老通神明一名水香

詩經方秉蘭兮陸璣疏蘭卽蘭香草也春秋傳刈蘭而

本草經蘭草味辛平主利水道殺蠱毒辟不祥久

附王親芍藥譜
孔武仲芍藥譜序

附歐陽修牡丹記
陸游牡丹譜

薛鳳翔牡丹八書

劉攽芍藥譜序
揚州府志

周氏牡丹記
胡元質牡丹譜

亳州牡丹史

杜當歸

澤蘭

杜若

白芷

芎藭

卒楚詞云級秋蘭以爲佩孔子曰蘭當爲王者香草皆是也其莖葉似藥草澤蘭但廣而長節節中赤高四五尺漢諸池苑及許昌宮中皆種之可著粉中故天子賜諸侯萐蘭藏衣著書中辟白魚也

別錄無毒除胃中痰癖生大吳池澤四月五月採陶隱居云方藥俗人並不復識用大吳卽應是吳國爾太伯所居故呼大吳今東門有煎澤草名蘭香亦或是此也生濕地李云是今人所種似都梁香草

唐本草註云此是蘭澤香草也八月花白人間多種之以飾庭池溪水澗傍往往亦有陶云不識又言煎澤草或稱李云都梁香近之終非的識也

別本註云葉似馬蘭故名蘭草俗呼爲薺尾香時人皆煮水以浴療風故又名香水蘭陶云煎澤草唐註云蘭澤香皆非也

蜀本草圖經云葉似澤蘭尖長有歧花紅白色而香生下濕地本草拾遺蘭草與澤蘭二物同名陶公竟不能

芳草卷之十一 蘭草

知蘇亦強有分別按蘭草本功外主惡氣香澤可作膏塗髮生澤畔葉光潤根小紫五月六月採陰乾婦人和油澤頭故云蘭澤李云都梁是也蘇註蘭草云八月花白人多種於庭池此卽澤蘭非蘭草也澤蘭葉尖微有毛不光潤方莖紫節初採微辛乾亦辛入產後補虛用之已別出中品之下蘇乃將澤蘭註於蘭草之中殊誤廣志云都梁香出淮南亦名煎澤草盛宏之荊州記曰都梁縣有山山下有水清淺其中生蘭草因名爲都梁亦因山爲號也本草綱目李時珍曰蘭草澤蘭一類二種也俱生水旁下濕處二月宿根生苗成叢紫莖素枝赤節綠葉葉對節生有細齒但以莖圓節長葉光有歧者爲蘭莖微方節短而葉有毛者爲澤蘭高者三四尺開花成穗如雞蘇紅白色中有細子雷敷炮炙論所謂大澤蘭卽蘭草也小澤蘭卽澤蘭也禮記佩帨蘭茝楚詞紉秋蘭以爲佩西京雜記載漢時池苑種蘭以降神或雜粉藏衣書中辟蠹者皆此二蘭也今吳人蒔之呼

爲香草夏月刈取以酒油灑制纒作把子貨爲頭澤佩帶與別錄所出大吳之文正相符合諸家不知二蘭乃一物二種但功用有氣血之分故無定指或云家蒔者爲蘭草野生者爲澤蘭亦通

通志蘭卽蕙蕙卽薰薰卽零陵香楚辭云滋蘭九畹植蕙百畝互言也古方謂之薰草故名醫別錄出薰草條近方謂之零陵香故開寶本草出零陵香條神農本草經謂之蘭臣昔修本草以二條貫於蘭後明一物也臣謹按蘭舊名煎澤草婦人和油澤頭故以名焉南越志零陵香一名燕草又名薰草卽香草生零陵山谷今湖嶺諸州皆有又別錄云薰草一名蕙草明薰薰之爲蘭也以其質香故可以爲膏澤可以塗宮室近世一種草如茅葉而嫩其根謂之土續斷其花馥郁故得蘭名誤爲人所賦咏

謝朓楚辭芳草譜離騷云滋蘭九畹又云光風轉蕙沚崇蘭蘭草大都似澤蘭其香可著衣帶者是素問云治

之以蘭除陳氣也皆概指香草可見

遞齋閒覽楚辭所詠之蘭或以爲都梁香或以爲澤蘭或以爲猗蘭草今當以澤蘭爲正山中又有一種如大葉麥門冬春開花極香此則名幽蘭非真蘭也

楚辭辨證蘭蕙二物本草言之甚詳劉次莊云今沅澧所生花在春則黃不若秋紫之芬馥又黃魯直云一榦一花而香有餘者蘭一榦數花而香不足者蕙今按本草所言之蘭雖未之識然而云似澤蘭則今處處有之蕙則自爲零陵香尤不難識其與人家所種葉類茅而花有二種如黃說者皆不相似大抵古之所謂香草必其花葉皆香而燥濕不變故可刈而爲佩若今之所謂蘭蕙則其花雖香而葉乃無氣其香雖美而質弱易萎皆非可刈而佩者也

廣雅疏證蘭也鄭風溱洧篇方秉蘭兮陳風澤陂篇有蒲與蘭傳並云蘭也神農本草云蘭草主殺蠱毒辟不祥通神明案鄭風正義引義疏云蘭卽蘭香草也

莖葉似澤蘭廣而長節藏衣著書中辟白魚是其殺蠱毒也初學記引韓詩章句云鄭國之俗三月上巳於溱洧兩水之上招魂續魄秉蘭拂除不祥之故周官女巫掌歲時祓除釐浴注云歲時祓除如今三月上巳如水上的類釐浴謂以香薰草藥沐浴夏小正蓄蘭傳云爲沐浴也楚詞九歌浴蘭湯兮沐芳王逸注云言已將脩饗祭以事雲神乃使靈巫先浴蘭湯沐香芷以自潔清也是其辟不祥通神明也蘭或爲蕝蘭或爲蓮衆經音義卷二引字書云蕝與蘭同蕝蘭也又引說文云蕝香草也卷十二引聲類云蕝蘭也又引說文云香草也今本說文蕝草出吳林山脫去香字耳廣韻蕝香草卽本說文中山經云吳林之山多蘭草青要之山有草焉其狀如蕝其本如蕝本洞庭之山其草多蕝蕝蕝藥芎藭以蕝與蕝本蕝蕝藥芎藭並言之其爲香草明矣郭璞以蕝爲菅云似茅恐非也說文芎藭蘭蕝四字連文別出茅菅二字於後則蕝與蘭同不與菅同矣是蘭

通作葢也管子地員篇五粟之土五臭生之薜荔白芷
麝蕪椒蓮五沃之土五臭生蓮與麝蕪本白芷是
蘭通作蓮也詩溱洧釋文引韓詩間蓮也御覽引韓詩
章句云間蘭也初學記引韓詩章句云秉蘭拂除不祥
之故皆借蓮爲蘭澤陂箋云間當爲蓮芙蕖實也云當
爲蓮而不云間蓮也則以間之本字不訓爲蓮藕之蓮
故必破字耳

說文解字注蘭香草也易曰其臭如蘭左傳曰蘭有國
香說者謂似澤蘭也从艸蘭聲落干切十四部

焦循毛詩補疏方秉蘭兮傳間蘭也循按漢書地理志
引詩云方秉菅兮顏師古注云菅蘭也一切經音義引
聲類云葢蘭也又說文云葢香草也出吳林山

今說文
本缺香

字山海經中山經吳林之山其中多葢草郭璞注云葢
亦菅字葢間字同菅其假借也太平御覽引韓詩傳云
三月桃花水下之時士與女方秉蘭兮秉執也當此盛
流之時衆士與衆女方執蘭而拂除又後漢書注引薛

君韓詩章句云鄭國之俗三月上巳之溱洧兩水之上
招魂續魄秉蘭草祓除不祥故詩人願與所悅者俱往
也韓詩直以秉間爲秉蘭與毛不異釋文引韓詩云蓮
也此當爲陳風有蒲與間之注陸德明誤載於此

芎藭

本草經芎藭味辛溫主中風入腦頭痛寒痺筋攣
緩急金瘡婦人血閉無子

別錄無毒主除腦中冷動面上遊風去來目淚出多涕
睡忽忽如醉諸寒冷氣心腹堅痛中惡卒急腫痛溫中
內寒一名胡窮一名香果其葉名蘼蕪生武功川谷斜
谷西嶺三月四月採根暴乾陶隱居云今惟出歷陽節
大莖細狀如馬銜謂之馬銜芎藭蜀中亦有而細人患
齒根血出者含之多差苗名蘼蕪亦入藥別在下說俗
方多用道家時須耳胡居士云武功去長安二百里正
長安西與扶風狄道相近斜谷是長安西嶺下去長安
一百八十里山連接七百里

圖經芎藭生武功川谷斜谷西嶺蘼蕪芎藭苗也生雍

州川澤及冤句今關陝蜀川江東多有之而以蜀川者爲勝其苗四五月間生葉似芹胡荽蛇牀輩作叢而莖細淮南子所謂夫亂人者若芎藭之與藁本蛇床之與藤蘼是也其葉倍香或蒔於園庭則芬馨滿徑江東蜀川人採其葉作飲香云可以止泄瀉七八月開白花根堅瘦黃黑色三月四月採暴乾一云九月十月採爲佳三月四月非時也關中出者俗呼爲京芎並通用惟貴形塊重實作雀腦狀者謂之雀腦芎含咀以主口齒疾近世或蜜和作指大丸欲寢服之治風痰殊佳

本草衍義芎藭今出川中其裏色白不油色嚼之微辛甘者佳他種不入藥止可爲末煎湯沐浴此藥今人所用最多頭面風不可闕也然須以他藥佐之沈括云予一族子舊服芎藭醫鄭叔熊見之云芎藭不可久服多令人暴死後族子果無疾而卒又朝士張子通之妻病腦風服芎藭甚久亦一旦暴亡皆目見者此蓋單服耳若單服既久則走散真氣既使他藥佐使又不久服中

病便已則烏能至此也

益部方物記柔葉美根冬不殞零采而綴之可糝於羹右芎蜀中處處有之葉爲藤蘼楚辭謂江離者根爲芎似雀腦者善成都九月九日藥市芎與大黃如積香溢於廛或言其大若胡桃者不可用人多蒔於園檻葉落時可用作羹蜀少寒莖葉不萎今醫家最貴川芎川大黃云

救荒本草川芎今處處有之人家園圃多種苗葉似芹而葉微窄卻有花又文似白芷葉亦細又如園荽葉微壯又有一種葉似蛇床子葉而亦粗壯白花其根人家種者形塊大重實多脂潤其裏色白味辛其性溫無毒山中出者瘦細味苦辛採葉煤熟換水浸去辛味淘淨油鹽調食亦可煮飲甚香

本草綱目李時珍曰蜀地少寒人多栽蒔深秋莖葉亦不萎也清明後宿根生苗分其枝橫埋之則節節生根八月根下始結芎藭乃可掘取蒸暴貨之

芳草卷之十一 芎藭 蘼蕪

廣西通志坎菜卽土芎藭細切爲葅味極辛竄能破寒紅白二種中實性辣

說文江蘼蕪也楚謂之蘼晉謂之蘼齊謂之茝

爾雅翼芎藭之苗葉爲蘼蕪其葉蓋似蛇牀而香故云蛇牀亂蘼蕪郭璞贊曰蘼蕪善草亂之蛇牀不隕其實

自別以芳古人珍之魏武帝以蕪草爲香燒之以微蕪

藏衣中少司命曰秋蘭兮蘼蕪羅生兮堂下綠葉兮素

枝芳菲兮襲予夫人兮自有美子蓀何以兮愁苦蘭有

國香人服媚之古以爲生子之祥而蘼蕪之根主婦人

無子故少司命引之少司命主人子孫者也古詩曰上

山采蘼蕪下山逢故夫按崔豹古今注芎藭一名可離

故將別以贈之亦猶相招贈以文無文無一名當歸也

文無蓋卽蘼蕪以夫當歸故下山逢之爾如蘼砧刀頭

之義也然今當歸自是一種非蘼蕪之類唐本注云當

歸有兩種一似大葉芎藭一似細葉芎藭惟莖葉卑下

於芎藭也然則古亦以蘼蕪爲當歸矣

謝翽楚辭芳草譜江離之草屈原幼時所先采蓋自其初度則固已扈江離辟芷矣張勃云江離出臨海縣海水中正青似亂髮楚辭之於江離哇而種之則非水物本草蘼蕪一名江離又名被以江離揉以蘼蕪又不應是一物也

說文解字注營營芎藭暹香艸也左傳作鞠窮賈逵云所以禦溼按今本左傳有山鞠窮乎山字注疏皆不釋疑衍或本作鞠而譌爲二字从艸宮聲去弓切九部芎司馬相如說營从弓蓋凡將篇如此作弓聲在六部古音讀如肱音轉入九部如躬字亦或弓聲窮營窮也从艸窮聲渠弓切九部營窮疊韻

蘼蕪

本草經蘼蕪味辛溫主欬逆定驚氣辟邪惡除蠱

毒鬼疰去三蟲久服通神一名微蕪

別錄無毒主身中老風頭中久風風眩一名江蘼芎藭

苗也生雍州川澤及冤句四月五月採葉暴乾陶隱居

云今出歷陽處處亦有人家多種之葉似蛇床而香騷

人借以爲醫用方藥甚稀

本草綱目李時珍曰別錄言蘼蕪一名江離芎藭苗也而司馬相如子虛賦稱芎藭菖蒲江離蘼蕪上林賦云被以江離揉以蘼蕪似非一物何耶蓋嫩苗未結根時則爲蘼蕪既結根後乃爲芎藭大葉似芹者爲江離細葉似蛇床者爲蘼蕪如此分別自明矣淮南子云亂人者若芎藭之與蘼本蛇床之與蘼蕪亦指細葉者言也廣志云蘼蕪香草可藏衣中管子云五沃之土生蘼蕪郭璞贊云蘼蕪善草亂之蛇牀不損其真自烈以芳

白芷 本草經味辛溫主女人漏下赤白血閉陰腫寒熱頭風侵目淚出長肌膚潤澤可作面脂一名芳香

別錄無毒療風邪久渴吐嘔兩脇滿風痛頭眩目痒可作膏藥面脂潤顏色一名白茝一名薑一名莞一名苻離一名澤芬葉一名蒿麻可作浴湯生河東川谷下澤二月八月採根暴乾陶隱居云今出近道處處有近下濕地東間甚多葉亦可作浴湯道家以此香浴去尸蟲

又用合香也

圖經白芷生河東川谷下澤今所在有之吳地尤多根長尺餘白色粗細不等枝幹去地五寸已上春生葉相對婆婆紫色闊三指許花白微黃入伏後結子立秋後苗枯二月八月採根暴乾以黃澤者爲佳楚人謂之葍九歌云辛夷楣兮葍房王逸注云葍白芷是也

荀子蓬生麻中不扶而直蘭槐之根是爲芷其漸之漚君子不近庶人不服其質非不美也所漸者然也註蘭槐香草也其根是爲芷也本草白芷一名白茝陶隱居云離騷所謂蘭茝也蓋苗名蘭茝根名芷也蘭槐當是蘭茝別名故云蘭槐之根是爲芷也漸漬也染也漚溺也言雖香草浸漬於溺中則惡也

爾雅翼楚辭以芳草比君子而言茝者最多蓋茝今香白芷也一物而多名茝也芷也芳也葍也薑也說文曰楚謂之離管謂之薑齊謂之茝故離騷有辟芷有芳芷有白芷有白茝有芳香有葍有芳嘗試論之楚辭取象

於草木之芳潔者無所不備而君子比德於玉乃獨略焉王逸章句曰行清潔者佩芳德仁明者佩玉能解結者佩觿能決疑者佩玦故孔子無所不佩也詳屈平之意蓋以清潔一介自處自仁明以下有所不敢居焉故其言曰覽草木其猶未得兮豈程美之能當以言楚之君臣於草木臭香猶未能別而况能知玉之美耶此所以有所詳有所略也芷出近道下濕地處處有之可作面脂其葉名蒿麻可用沐浴故曰浴蘭湯兮沐芳古者婦或賜之飲食衣服布帛佩帨茝蘭則受而獻諸舅姑明不敢專爾

本草綱目李時珍曰白芷色白味辛行手陽明庚金性溫氣厚行足陽明戊土芳香上達入手太陰肺經肺者庚之弟戊之子也故所主之病不離三經如頭目眉齒諸病三經之風熱也如漏帶癰疽諸病三經之濕熱也風熱者辛以散之濕熱者溫以除之爲陽明主藥故又能治血病胎病而排膿生肌止痛按王璆百一選方云

王定國病風頭痛至都梁求名醫楊介治之連進三丸卽時病失懇求其方則用香白芷一味洗曬爲末煉蜜丸彈子大每嚼一丸以茶清或荊芥湯化下遂命名都梁丸其藥治頭風眩連女人胎前產後傷風頭痛血風頭痛皆效戴原禮要訣亦云頭痛挾熱項生磊塊者服之甚宜又臞仙神隱書言種白芷能辟蛇則夷堅志所載治蝮蛇傷之方亦制以所畏也而本草不曾言及楚辭芳草譜楚辭以芳草比君子而言茝者最多蓋今香白芷也出近道下濕地可作面脂其葉可用沐浴故曰浴蘭湯兮沐芳

廣雅疏證白芷其葉謂之葍芷與茝古同聲芷卽茝也說文云芷藹也楚謂之藪晉謂之藪齊謂之茝內則云婦或賜之茝蘭釋文云茝本又作芷楚詞離騷云扈江離與辟芷兮王逸注云辟幽也芷幽而香招魂云藁蘋齊葉兮白芷生白芷以根白得名也蘇詒本草圖經云白芷根長尺餘白色粗細不等枝幹去地五寸已上春

生葉相對婆娑紫色闊三指許是白芷根與葉殊色故以白芷名其根又別以葯名其葉也若然則九歌云辛夷楣兮葯房芷葺兮荷屋七諫云捐葯芷與杜衡兮九懷云芷閭兮葯房當並是根葉分舉矣但芷葯雖根葉殊稱究爲一草故王逸九歌注云葯白芷也西山經號山其草多葯淮南脩務訓身若秋葯被風郭璞高誘注並與王逸同是白芷亦得通稱爲葯也白芷葉又名蒿麻名醫別錄云白芷一名白葯一名蒿一名莞一名苻離葉名蒿麻蓋卽以爲爾雅之莞苻離其上蒿矣釋草小記神農本經白芷一名白葯一名芳香名醫增補一名澤芬一名苻離披讀至此不能無疑間嘗考之說文葯藟也楚謂之離晉謂之藟齊謂之葯爾雅莞苻離其上蒿說文作葯夫離也蒿夫離上也而別出莞字曰莞艸藟莞屬也與蒲弱溪牽連錄之莞曰可以作席蒲曰或以作席弱曰蒲子可以爲平席按蒲子是蒲子也是莞爲蒲類而葯則特書明與莞別異然曰葯夫離又不與

離芷相次而芄離離芷藟則五文連書曰芃蘭莞也於藟曰楚謂之離晉謂之藟齊謂之葯於離則又曰江離藟蕪於葯曰藟也於藟曰藟蕪也以文求之芃蘭一事離離芷一事江離藟蕪又一事並香草而又有同名異事之義藏其中蓋江離之離與離離之離及夫離之離宜分三事夫離當依說文爲葯爾雅曰莞蓋聲形之譌與莞乃蒲類而說文又曰芃蘭莞也莞蓋藟聲之譌爾雅曰藟芃蘭是也故郭注云藟芃誤藟蔓生斷之有白汁衛風鄭箋云芃蘭柔弱恆蔓延於地有所依緣則起陸璣疏云一名蘿摩幽州人謂之雀瓢今觀本經不載而唐本草別收蘿摩一條爲蔓生之芃蘭與蒲類之苞生者大異則說文之譌證以爾雅無復疑義矣芃蘭爲藟以非蒲類不得名莞而苻離則名醫增補於本經所載之白芷一名白葯一名芳香條下者與本經所載之芃藟香蒲及別錄之白芃大別爾雅乃以爲莞苻離今說文別異莞字而出之曰葯夫離則爾雅之譌不益可

芳草卷之十一 白芷

互相證明哉至爾雅曰蘼蕪蘼蕪按蘼蕪本經載之名醫又增補曰一名江蘼上林賦曰被以江蘼揉以蘼蕪子虛賦之數香草也衡蘭茝若芎藭菖蒲江蘼蘼蕪雜列並陳則是茝也江蘼也蘼蕪也不得爲一物矣故李時珍著本草綱目以爲未結根時爲蘼蕪既結根後爲芎藭大葉似芹者爲江蘼細葉似蛇牀者爲蘼蕪同中之異安能不生分別淮南子云亂人者若芎藭之與蘼本蛇牀之與蘼蕪言乎似是而非者之當辨也爾雅之呼蘼蕪爲蘼茝名醫又呼之爲江蘼時珍爲之說曰當歸名蘼白芷名蘼蕪蘼葉似當歸香似白芷故有蘼茝江蘼之名由是言之蘼也茝也蘼也皆非蘼蕪之本名而或以形似或以氣同相因而呼稱名取類大率不可典要而其勢有不得不相借者觀書者於此眼當如月罅隙畢照其旨蓋亦微矣然則江蘼信非蘼蕪又信非夫蘼是故蘼蘼茝一物也離騷同蕙連文曰蕙茝說文三文相次首尾轉注互釋明以曉人而蘼居其中獨別

釋曰江蘼蘼蕪蓋字有二義本義已見互釋中至此反以別義明之故於三文之下卽繼以蘼蕪之字以見離字橫互其間左有右宜二草呼名中俱借義而實則羣然不能相溷也然則離之同名者三物其獨呼離者蘼離茝是也其香似離而呼曰江蘼者則蘼蕪類也而離之別說文曰蕝夫離爾雅曰蕝苻離是物也余未聞其審乃名醫增補於白芷條下無亦襲其名而譌收之與不然說文曰蕝爾雅曰蕝果爲白芷本經何以不顯蕝蕝之名而名醫又何以不增補錄之曰一名蕝也或蕝也斯可見矣至苻離之爲物据爾雅郭注言今西方人呼蒲爲蕝蒲謂其頭臺首也今江東謂之苻離西方亦名蒲中莖爲蒿用之爲席是其說同於說文蕝蕝而說文之解字何以別出蕝夫離蒿夫離上以與蕝蒲兩不相入也哉故楚金之作繫傳於蕝字依附爾雅以爲蕝蒲又依附本草以爲白芷進退無定見吾不憑也余於上數事固不敢曰能明辨哲也以說文考之芎藭一

也薤苳一也江薤蘘蕪一也莞蒲一也藟夫薤一也於中雖有互通而實不可相亂以爾雅考之薤苳蘘蕪一也薤苳蘭一也莞苳薤一也古義要眇後人皮傳爲條理之如此明其大致則古書轉寫譌固其所耳不足累也

蛇牀子 本草經蛇牀子味苦平主婦人陰中腫痛男子陰痿濕癢除痺氣利關節癰疽惡瘡久服輕身一名蛇米

爾雅吁虺牀註蛇牀也一名馬牀廣雅云

別錄辛甘無毒溫中下氣令婦人子藏熱男子陰強好顏色令人有子一名蛇粟一名虺牀一名思益一名繩毒一名棗棘一名牆蘘生臨淄川谷及田野五月採實陰乾陶隱居云近道田野墟落間甚多花葉正似蘘蕪圖經蛇牀子生臨淄川谷及田野今處處有之而揚州襄州者勝三月生苗高二三尺葉青碎作叢似蒿枝每枝上有花頭百餘結同一窠似馬芹類四五月開白花

仁似繖狀子黃褐色如黍米至輕虛五月採實陰乾爾雅謂之吁一名虺牀

救荒本草蛇牀子今處處有之苗高二三尺青碎作叢似蒿枝葉似黃蒿葉又似小葉蘘蕪又似蘘本葉每枝上有花頭百餘結同一窠開白花如傘蓋狀子半黍大黃褐色味苦採嫩苗葉燂熱水浸淘洗淨油鹽調食本草綱目李時珍曰其花如碎米攢簇其子兩片合成似葍蘿子而細亦有細稜凡花實似蛇牀者當歸芎藭水芹蘘本胡蘿蔔是也

廣雅疏證虺馬牀虺牀也爾雅吁虺牀郭注云蛇牀也一名馬牀見廣雅淮南汜論訓云夫亂人者芎藭之與蘘本也蛇牀之與蘘蕪也此皆相似說林訓云蛇牀似蘘蕪而不能芳神農本草云蛇牀子一名蛇米生臨淄川谷御覽引吳普本草云一名蛇珠名醫別錄云一名蛇粟一名虺牀一名思益一名繩毒一名棗棘一名牆蘘陶注云近道田野墟落間甚多花葉正似蘘蕪蜀

本圖經云似小葉芎藭花白子如黍粒黃白色生下濕地蛇牀子如黍粒故謂之蛇米又謂之蛇藁謝靈運山居賦五華九實自注以蛇牀實爲九實之一卽蛇藁也橐各本譌作橐今據名醫別錄訂正牀俗書作床字與麻相近故馬牀之牀各本譌作麻今訂正

杜若

本草經杜若味辛微溫主胸脇下逆氣溫中風入

腦戶頭腫痛多涕淚出久服益精明目輕身一名杜蘅別錄無毒主眩倒目眈眈止痛除口臭氣令人不忘一名杜蓮一名白蓮一名白芩一名若芝生武陵川澤及冤句二月八月採根暴乾陶隱居云今處處有葉似薑而有文理根似高良薑而細味辛香又絕似旋覆根殆欲相亂葉小異爾楚詞云山中兮芳杜若此也一名杜蘅今復別有杜蘅不相似

唐本草註云杜若苗似蘼薑生陰地根似高良薑全少

辛味陶所註旋復根卽眞杜若也

范子計然云杜蘅杜若出南郡漢中大者大善

圖經杜若生武陵川澤及冤句今江湖多有之葉似薑花赤色根似高良薑而小辛味子如豆蔻二月八月採根暴乾用謹按此草一名杜蘅而中品自有杜蘅條杜蘅爾雅所謂土鹵者也杜若廣雅所謂楚蘅者也其類自別然古人多相雜引用九歌云采芳洲兮杜若又離騷云雜杜蘅與芳芷王逸輩皆不分別但云香草也古方或用而今人罕使故亦少有識之者

本草綱目李時珍曰杜若人無識者今楚地山中時有之山人亦呼爲良薑根似薑味亦辛甄權註豆蔻所謂獐子薑蘇訟圖經外類所謂山薑皆此物也或又以大者爲高良薑細者爲杜若唐時峽州貢之補筆談杜若卽今之高良薑後人不識又別出高良薑條如赤箭再出天麻條天名精再出地慈條燈籠草再出苦耽條如此之類極多或因主療不同蓋古人所書主療皆多未盡後人用久漸見其功主療浸廣諸藥例皆如此豈獨杜若也後人又取高良薑中小者爲杜若

正如用天麻蘆頭爲赤箭也又有用北地山薑爲杜若者杜若古人以爲香草北地山薑何嘗有香高良薑花成穗芳華可愛土人用鹽梅汁淹以爲菹南人亦謂之山薑花又曰荳蔻花本草圖經云杜若苗似山薑花黃赤子赤色大如棘子中似豆蔻出峽州嶺南北正是高良薑其子乃紅蔻也騷人比之蘭芷然藥品中名實錯亂者至多人自主一說亦莫能堅決不患多記以廣異同

隋唐嘉話宋謝朓詩云芳洲多杜若貞觀中醫局求杜若度支郎乃下坊州令貢州判司報云坊州不出杜若應由謝朓詩誤太宗聞之大笑判司改雍州司法度支郎免官

青木香 本草經木香味辛主邪氣辟毒疫溫鬼強志主淋露久服不夢寤蹇寐

別錄溫無毒主療氣劣肌中偏寒主氣不足消毒殺鬼精物溫瘧蠱毒引藥之精輕身致神仙一名蜜香生永

昌山谷陶隱居云此卽青木香也永昌不復貢今皆從外國舶上來乃云大秦國以療毒腫消惡氣有驗今皆用合香不入藥用惟制蛀蟲丸用之常能煮以沐浴大佳爾

唐本草註云此有二種當以崑崙來者爲佳出西胡來者不善葉似羊蹄而長大花如菊花其實黃黑所在亦有之今按別本註云葉似薯蕷而根大花紫色功效極多爲藥之要用陶云不入藥用非也

圖經木香生永昌山谷今惟廣州舶上有來者他無所出陶隱居云卽青木香也根窠大類茄子葉似羊蹄而長大花如菊實黃黑亦有葉如山芋而開紫花者不拘時月採根芽爲藥以其形如枯骨者良江淮間亦有此種名土青木香不堪入藥用僞蜀王昶苑中亦常種之云苗高三四尺葉長八九寸皺軟而有毛開黃花恐亦是土木香種也續傳信方著張仲景青木香丸主陽衰諸不足用崑崙青木香六路訶子皮各二十兩篩末沙

糖和之駙馬都尉鄭某忘其名去沙糖加羚羊角十二兩白蜜丸如梧子空腹酒下三十九日再其效甚速然用藥不類古方而云仲景者不知何從而得之邪按修養書云正月一日取五木煮湯以浴令人至老鬢髮黑徐鍇註云道家謂青木香爲五香亦云五木道家多以此浴當是其義也又古方主癰疽五香湯中亦使青木香青木香名爲五香信然矣

諸番志木香出大食麻囉扶國施曷奴發亦有之樹如中國絲瓜冬月取其根剉長一二寸曬乾以狀如雞骨者爲上

澤蘭 本草經澤蘭味苦微溫主乳婦內衄中風餘疾大腹水腫身面四肢浮腫骨節中水金瘡癰腫瘡膿一名虎蘭一名龍棗

別錄甘無毒主產後金瘡內塞一名虎蒲生汝南諸大澤傍三月三日採陰乾陶隱居云今處處有多生下濕地葉微香可煎油或生澤傍故名澤蘭亦名都梁香可

作浴湯人家多種之而葉小異今山中又有一種甚相似莖方葉小強不甚香既云澤蘭又生澤傍故山中者爲非而藥家乃採用之

唐本草註云澤蘭莖方節紫色葉似蘭草而不香今京下用之者是陶云都梁香乃蘭草爾俗名蘭香煮以洗浴亦生澤畔人家種之花白紫莖圓殊非澤蘭也陶註蘭草復云名都梁香並不深識也

圖經澤蘭生汝南諸大澤傍今荊徐隨壽蜀梧州河中府皆有之根紫黑色如粟根二月生苗高二三尺莖幹青紫色作四稜葉生相對如薄荷微香七月開花帶紫白色莖通紫色亦似薄荷花三月採苗陰乾荊胡嶺南人家多種之壽州出者無花子此與蘭草大抵相類但蘭草生水傍葉光潤根小紫五六月盛而澤蘭生水澤中及下濕地葉尖微有毛不光潤方莖紫節七月八月初採微辛此爲異耳今婦人方中最急用也又有一種馬蘭生水澤傍頗似澤蘭而氣臭味辛亦主破血補金

瘡斷下血陳藏器以爲楚詞所喻惡草卽是也北人呼爲紫菊以其花似菊也又有一種山蘭生山側似劉寄奴葉無極不對生花心微黃赤亦能破血皆可用本草綱目李時珍曰吳普所說乃眞澤蘭也雷斅所說大澤蘭卽蘭草也小澤蘭卽此澤蘭也

安徽志都梁香卽澤蘭草出盱眙都梁山故名

按蘭草陸疏以爲卽萵顏師古以爲卽澤蘭唐以前並無異說自宋人以葉似麥冬之蘭爲蘭而訟端起故有盜蘭之說沈存中以爲卽零陵香舉世非之李時珍辨誤亦不能盡輯諸說唯葉歧爲蘭無歧爲澤別本注及蜀本圖經頗爲剖晰其實花葉氣味無不同者余以二種並蒔俱易繁衍仍如時珍所別圖之其零陵香之爲省頭香則湘中舊稱今古如一北方呼爲矮康音轉字訛爾所以薰髮煎澤則婦孺咸知不必爭辨俱從刪削

嘉祐本草地笋溫無毒利九竅通血脈排膿治血止鼻

洪吐血產後心腹痛一切血病肥白人產婦可作蔬菜食其佳卽澤蘭根也

出陳藏器及日華子

廣雅疏證虎蘭澤蘭也士喪禮記茵箸用茶實綏澤焉注云澤澤蘭也取其香且御溼神農本草云澤蘭一名虎蘭一名龍棗生汝南又生大澤旁名醫別錄云一名虎蒲陶注云今處處有多生下濕地葉微香可煎油或生澤傍故名澤蘭亦名都梁香又作浴湯人家多種之而葉小異今山中又有一種甚相似莖方葉小強不香旣云澤蘭又生澤傍故山中者爲非唐本注云澤蘭莖方節紫色葉似蘭草而不香陶云都梁香乃蘭草爾花白紫莖莖圓殊非澤蘭也案吳普本草云澤蘭一名水香生下地水傍葉如蘭二月生苗赤節四葉相值枝節間澤蘭卽水香故鄭氏儀禮注云澤蘭取其香且御濕不得以方莖紫節不香者當之也李當之云蘭草是今人所種似都梁香草與毛詩義疏蘭草似藥草澤蘭之說合是都梁香卽澤蘭蘭草但似都梁耳不得謂都梁